



^ 16
2798
23



16
2798
23

黃漳浦集卷四十七

詩

七言律詩

寄大司空張蓬元二章

追鋒果爾上轎車喜見夷吾慰叔牙鎮物定須歸宿望同舟何
必問誰家倉皇孽子生神力緩急威驄廢鐵搗總為宵衣傾骨
血莫將文采論長沙

十年雲漢此昭回復見老成借箸來干羽莫為仇國論鹽梅卽
是濟川才人因盤錯重求劍天為驂騮再築臺前席儻談新表
餌合云長策在中台

寄太史趙景之

閉戶偷光風雨繁每題伐木但銷魂蒼生有命隨黃草君子何

昭和十九年
六月八日
購求

方出定猿割骨難酬天造就洗心深悟聖淵源當年賣塞和戎者悔未盡言負主恩

哭張西銘二章

新書未就已藏山
眼雪纔消又閉關
不爲幽憂成鵬賦
何當造次閱麟刪
斯文欲喪愁無黨
吾道更生恥獨還
莫說作官官易盡
祇今鐘呂在人間

可憐北斗掩光儀
已見明河藻雪時
人事總從丹史過
君心不與青蠅知
十年著作千年秘
一世文章百世師
縞帶難將婁海淚
蠻烟瘴嶺共相思

輓相國何芝岳二章

天步方艱漸遣輪
星河宿海共揚塵
西傾未盡排山力
東倒能安砥柱身
再召平章三謝疏
五朝開濟一完人
殷憂今日應重

念皓髮當年最老臣

古人風軌此依然
無盡畫圖金鑑懸
進退道關鉉鼎外
澹宦人狂渭莘前
神宗禮樂存千載
鐘岳精靈結暮年
時至便行無不可
可憐天不憖遺賢

壽繆連城

僊郎飛鳥灑峨眉
恰值萊城不夜時
海眼蜀中看保障
星榆天上澹機絲
鳴琴政暇遺花樣
濯錦詩成寄酒卮
世道於今存茂宰
欣逢新蜡爲開頤

寄元岳念臺兩先生四章

鷄啼偶爾動茅鄰
且莫回頭錯應人
燕雀堂中初徙突
鯨魚背上未安身
看無小艸能支厦
豈有奔車不礙塵
珍重一肱成九折
檀輪宛轉在河濱

紫水吹瀾久欲狂長椿貼岸此何妨盤中盧雉隨投采匣底泉
阿罷吐光世道不須推管樂人才幸未到殷房將車呼伯尋常
事顛倒看誰著舊裳

懸崖急浪擣松根保得雲泉亦主恩儘有鷓鴣巢野樹諒無魴
鯉謝衡門馬肝食後須清酒虎穴探過卽故園濯足水中看白
髮茶爐藥竈且温存

倦雲渴雨不相謀各自量晴烟樹頭人老無方迴化鶴江平何
處滯浮鷗折筋鐘鼎雙遺屣斷纜乾坤一小舟賴有喬松天法
護盈盈星漢自章流

次答韓茂貽見贈四詩

顏孔相推舊章餘生猶喜得包荒痴蟬脫殼仍依樹宿莽抽
心尙信芳女子蘆中辭解佩丈人江上傲浮湘但將好事留青

史莫笑莫邪已斷鉞

庖廚鹿命與誰司酒肆春傭各一時宵網魚曾通主夢衝籠鶴
未失雲儀嗣宗當日慙青眼偉節於今信白眉猶憶詞林崇慶
杯委蛇冠蓋動南皮

菖蒲海已蕩河源平地呂梁與孟門九死不將除敵愾三生難
復報君恩大行遺語人猶憶南董重書史未惇舉目岱嵩看破
碎聲無哀樂向誰論

夜郎不似瘴江邊况有丹砂起痼煙故事唯餘親舊識新人恰
與漁樵纏中山醞過一千日錦瑟愁分五十絃何處衡雲能發
夢不從磨羯譜流年

公占將別有恭還二韻屬諸友言和余先步韻亦以識別
不分烟光盪客胸殊慙石觸有雲從漁竿萬艇垂黃竹鳥路孤

巢寄小松吾道已應棲曠野家人未免覓遺蹤六朝此處多名
宿古廟荒碑相對恭

七年叢桂已堪攀移得茶梅卽故山鶴著箭歸猿就取人依僮
約鳥居間夢從沔水尋龐葛腐卻雲亭拜孔顏君亦寓公多領
士春風催與雪舟還

明誠堂初集諸友各有詠賦用原韻和戴德深四章

籌時漸已見滄桑卷得風雲到草堂便賣青山仍可隱將騎
尾未爲狂隨他解佩成遺屣從此食魚不用魴鹿洞鷺湖無勝
處窗前鷄語且開場

農山白日起緇帷雲鎖霞局青草蕤廿載不窺園蘊藉數椽頓
作鶴威儀聊將繭室題銀鹿莫以侯封換手龜何處談經關至
極偶然竹殿與松墀

蓬門已准白頭年不意薰徽掛素絃陋巷何曾慙禹稷高陽初
不負林泉力將風雅還三百數過人才值半千伊維淵濶多語
謾負牆可在紫陽前

素業風華散未收現拋鐘鼎與夷繇若無開美愁子獨賴有同
方解我憂道岸鐵船銷罔象文場師子靖貔貅一尊正始開今
日勿使前賢傲厥脩

和胡仲求三章

盡處朱闔繡紫苔青鞋猶破白雲來看無鷺羽搜丹穴保有餘
生結聖胎半畝天疏蒔藥徑千春人指讀書臺欲呼龍象耘瑤
艸且趁上林賦早梅

書窖雲窩各啟疆果然峰影倒匡塘幽憂墳典開生路眞宰盤
餐理舊章土室何方存礎石勞人初不倦津梁除將蠶月條桑

外莫負吳差君子鄉

暮春種菊菊苗香白首忘書書味長老子避風驚寶幃吳牛當
月領秋陽浮沉隴首輕鄒湛歷落游人笑葛疆除作錢塘銷鐵
券更無一事攬哀腸

和張章垣

鳳走麟潛事未偏浮雲頗有曲肱緣短筇從此依函丈長鬣無
勞講十千匣底素書還圮水斗間紫氣臥龍泉披衣善卷成何
物領作迂儒禮暮年

和林同芳二章

木榻茅茨今復新幸無獵火炤祥麟東山雲雨愁垂老沔上桑
條翠欲均宦譜半行招鶴怨新詩五字任猿呻已刊碑石除吾
黨保有善稱鄉愿人

當戶蘭生果合鋤翻教烏兔繞蝸廬自從北郭除門籍不向西
河嘆索居鹿觸松楸中夜淚鷄鳴風雨半牀書青谿弟子輕聞
識坐看香消萬卷餘

和林思誠二章

夾谷臨河路已遙歸林更不夢趨朝斐然鸞藻青山合歸去鷗
盟白地饒戶外聽琴無怪韻階前舞羽未鋤苗縹衣簪筆書成
日可有精誠到斗杓
九十青巒元霧開宛然琪樹各天培未驚笙鶴尋常過恰有英
靈次第來賈馬亦看從入室騫牛何必愧無才浩浩乾坤圖史
裏明河初不動塵埃

答莆田金若干二章

見爾聲名卓魯前危時天意託安絃盤根到手看雷斧駿馬當

風著電鞭不次用才新好事偶然對主古名賢木蘭溪水青春
棹倒在銀河星漢邊

維桑雞犬早平安治譜行行報縣官鹽米細從書勘過花徽少
與史盤桓文心自結神明願筆帖仍當歌舞看從此禁中知頗
牧他年刁斗不驚寒

陳宣公攜五經涉錄見教詩以曉之

曾辭徵璧捲荆扉又抱經書過此歸入海探珠山剖玉見華不
瘦遜能肥伯山千里傳初學仲任十篇出秘幃此道臨崖看未
墜種蜂牧豕也光輝

宣公以諸書下貽聊用二章請正因以為別 缺一章

更無疑滯費推求日月長懸天際頭郭泰曾師仇主簿彭宣錯
過安昌侯人從敬靜當南面家有遺書比十洲對字衡門歡不

就相看猶作水中鷗

陳宣公林守一同賦雲盡山無際川歸海未盈十韻先步

宣公製

案舊刻詩艸作明誠堂同諸子小集以雲
盡山無際川歸海未盈為韻步宣公作

丘壑何曾謝世紛憂時涼燄也潛焚千方已倒潰瀾水一縷空
抽泰岱雲買劍太公歸越嶠聞琴漁父滯河汾百年又過中年
半衿白相看酒未醺 紛一作氣

桐磬於今斷泗濱所餘石榻老松鱗自看野湍不鳴鴈即是洪
濤未碎身荏染縉緜成五典朦朧雲樹禮三辰談經莫過山梁
雉留與樵漁話太真

嘉客能邀幾日閒家人畏看小刀環自從榛莽收蛇跗聊對親
知報鳥還開眼難拚三折徑壓頭不作兩重山蒼生於我真何
與白石青松惹淚斑

消愁合得與醜醜無計辟兵畫彩符錯憶醉餘須種竹不知雨
甚損香菰江干一報經年絕谷口孤松百日圖管樂到頭成底
事可從濠濮散懷無

愚人卻不使山移小小青峰澹酒毓洪水難清巢父耳雪山未
斷可師支輞川圖畫千鍼繡神界盤荷一葉漪此去商顏殊萬
里籬邊鷄犬復安之滄一作騎

百結經書試鈍鉛孽窠書共辟支禪可從瓜蒂看燒艾一任茅
根自化荃名下鐵城爭破碎風前杯渡少安全沃焦山裏焦原
上可有輕帆導百川

忍向空山禮少微客星螢火此同歸似因鼎鑊輕分痛到處尊
鱸解自肥赤手不攀垂布力重趼能救幾城圍聞聲海內知無
黨光爾相逢舊葛衣螢一作熒

君自興時博雅才何貪輕餌麟鸞胎間關脂轄方成賦顛倒初
衣未改裁似許泰山稱閭闔未勞束皙理庚陔袖中明月頻相
照爲灑葭蘆舊日灰

何計華癯與道肥馬闌燕麥共紅緋山因著綠多添筆室自含
虛頷白暉百國寶書慙輯玉六爻夢艸謝編韋松筠答答長風
下無數元言各入微

翩然燕雀老朱薨黃鵠何曾喜自鳴不鬪空中看虎過忍飢法
裏認芝生蟬聲乍咽全爲佞石髮垂青不世情四壁今多游悟
處一泓五嶽共清盈

內盡際海未四韻皆從轉音入真支灰微用此近體也以
側韻譜律不便新聲聊創此格其用題字者皆於起語足
之諸子唱和未及宣公卽宣公前韻仍用舊法復錄原和

四詩用仄聲者於後

盡

平疇吾道少阡畛鑽仰未窮才已盡下卒何當稱左車鳳衰未
遂得鴻引讀書垂老鬼神憐明詔不來猿鶴閱平淡看君無開
心明窗皓髻誰能忍

際

簾箔牽花珠葉繫黃鸝送笙碧管遞夏蟲何處知冰寒野鶴昂
然見雪砌人海波濤幾樣翻名場裘葛為誰貴鴻門玉斗射洪
琴不向君前訴邊際葉一作蒂

海

吞夢曾平無塊磊良朋况復足千載鷗眠沙簟白雲團鳳嘔琅
玕青玉蕾謝傅何曾臥土山魯連終不蹈滄海江東新作木蘭

船約爾投棹下欵乃

未

大地皺紋見墨沸淡紅沒骨著花卉人情翻覆似波瀾世道安
箝如虎蝟五鹿欲折子雲鋒二禽空發昌黎憤臨河拄杖試呼
舟但問魚龍堪濟未

右以側韻作律章亦創體也律貴調和側宜硬辣彼此
互用大難著手見宣公仄律嚴整心甚畏之聊依原什
再足四章其差數妍媸以獨障自掩也

同安紀石青紓於公車至鄴山詩以送之二章

想爾高才天所私夢中已識麟鸞姿人倫駿發盡如此世道匡
回何足疑飛菟風生無鳥過剡鐘響動有神知新詩應手須開
徹幸及新硯年少時

當風寶劍豈留行但欲治平卽治平天帝亦憐新霹靂龍驪空
狎老書生何妨解帶爲深塹不用攤書抵百城老圃湖東人已
倦世間少得蘓雲卿

壽王東里總憲七十二章

淹滯人天總導師依然峻茂藝蘭時精思就龍難臥元徹篇
成鶴未知已借風霆供法事翻教魚鳥誦新詩稽山出處同今
日千古西臺共勒碑

漢家遺直老誰論汲鄭當年亦比鄰執法廷中歸未賤思賢閣
上草仍新力將勝事開吾黨不以難題付小臣八節迴灘親友
好差肩從爾度青春

寄張湛虛大司馬四章

當年雷雨未分明異姓弟兄淚縱橫豈爲塵傷頻發嘆亦從烏

亂斷鳴嚶孤臣觸首傾天柱窮子負冰出火城最是到家啼不
住已傾身後細經營

小鳥今知不如偷生何處定林於受餐已廢千金壁覆卵難
迴十部書雲樹幾層呼孽鴈河神終日慰枯魚乾坤似我難開
眼諸老鏘鏘且佩琚

中原黎獻若飄搖河北堅城尙未澆元老移家如太蚤尊人舊
譜與誰描彤弓有賦推召虎江漢無詩答聖朝賸得巨靈雙掌
在孝陵鐘鼓動晴宵

開府曾支半壁天於今百粵靜烽烟苦辭樞密緣親老不畏蒼
黎急倒懸救世無才明主怒毀家紓難古人憐別餘草艸無多
話春樹緘愁白日邊

寄鍾陵諸友四章

帝夢何曾感畫圖極多天女笑投壺乍風乍雨梅時令愁鶴愁
猿鬼夜呼道命不關行業事良朋多散酒傭徒攝山斬尙無神
緒莫問當年屈大夫

莫愁河北卜居時木末芙蓉隔短籬鐘鼓連山推海鳥雲波終
日蕩朝曦如迷蘭渚歸無路欲葺蓑裳出不辭去後故人音問
絕夢中猶寫石城詩

匡廬東倒烏龍瀾一再移舟江水寒人世可容花躑躅石頭空
與佛盤桓經燒寶劍無多彩全部寄書不待刪每憶馬當船櫓
迎西風徑作馬蹄看

今春魚鳥亂江陰可有前賢鐵鎖心王氣羣龍通黍谷弄潮豈
子限溢溥衣冠不作清譚誤神烈猶貽豐芑深管就半園先種
竹三年美箭許成林

贈紀南書

君家書送國門懸古人不見今人然王峰已出藍田上珠海又
通赤水淵一榻偶逢桃李雨衡門少滯鯉魚天老來世法文緣
盡羨爾才名尙少年

張三華差肩之長壽子耳順步韻聊答

東望春橋春樹明不能東去共呼鶯孩心趁爾閒消酒老眼看
人莽辟兵飯顛山頭勞點簡金湯暮裏罷經營比時解作清風
頌一字應題十五城

但隔柴門路已長况逢戎馬又當場摻摻七箸驕廉頗落落雲
松理萬章塞北病兒看走馬周南腐史滯枯腸少君十歲詩千
首約過十年十倍償

答陸岫青直指兼示其弟嗣開六章

鴻澤哀嗷未有家多煩繡斧問皇華弄兵赤子驕啼乳參寇元
戎戲聚沙訪道何曾違蟻馬匡時端不仗茅蛇遣黎到處懷膏
雨合奏薰風放蚤衙

青驄嶽立五雲間豈有虬蜉欲撼山高鼓門曾經客取大藤峽
已斷猿攀二春畫堞圖威鳳千尺珮刀斂白鵬霹靂會須看破
壘都亭豺虎共知還

昔自當廷借劍時片言英宋動龍驪不教阿閣鳴宵鳥合使雲
臺繡日麒麟愛國寶臣看起草遯荒老子任茹芝神州多少浮沈
事未必尙方一一知

鯨鯢嘯海且當門邨得當門理薤孫百折肱支難報主一絲溥
露也湛恩道從標木更商略人向根苗別討論曝背隴頭成好
事幾時血戰淨乾坤

頽垣荒畝怯耘鋤莫怪茲衰老遂初陸抗自能支晉豫夷吾從
未到淮徐江南金箭存公望河北堯牟盡子虛亦欲勉將風櫛
去白頭蓬葆不堪梳

窮涯上首可安眠一日棲遲當百年世道自看吹垢力人才空
著驅山鞭老從孝秀猶無事歸對狐狸亦有權好我弟兄頻寄
問夢中風雨恩晴天

鄴侯山祖帳送何元子以大司農應召入京四章

起草今誰謝傳雋趨君萬里慰宵憂司農懸印已三月宰相紆
邊半白頭下策欲消平準論片言饒得富民侯官家頗憶宣公
疏葦漁當年誦有丘

中原叱馭也從容七使傳呼動景鐘賦賈祗緣無頗牧時危自
合變夔龍海王甲乙歸微管漢主丁甯念遺龔一士當師二十

萬與誰同載上追鋒

經世謨深經術垂逢時救世亦時宜
閣官滅竈麾桑孔中含操
種掃月支獵罷能要十事疏民勞
更奏小康詩迂儒彈結何須
道莫遣麟圖負所思
賢獨勞多天步艱但分默語共如蘭
不教禹稷憐巢許可使魚
蝦怨釣磻帝夢微通版築路
人情剛在雲霓端笙歌鼎沸餘
今日要作中庖傳火看

雲間陸集生過予鄴侯山偶爾用韻四章

江東傭老此君公誰復問經過
此中石燕羣依浮泗磬梧桑空
補嶧陽桐幾迴負約湖邊棹
一夕孤帆天外風幸得南方戎馬
少龍雲鱗羽且相通

尊鱸亦不到漳南但爲巖泉一解驂
每有名流招隱者何妨怪
事抵空函殘暮著眼深難臥折屐穿山老
尙堪抖擻欲譚當世
務恐煩笑影落江潭

借箸更難事乃公聊將石白寄山中
鸞聲半嶺銷才火樗夢全家
引道風猛虎不窺鷓鴣宅
腥鷗欲洗蛟龍宮江河四顧
今如許多少地天未絕通

墜猿已占南山南又送文鷺與鶴驂
客散可無路鬼笑夜闌卻
有日鷄談半溪風雨三江水
一笈詩書百寶函賴爾維桑
登衽席尙留穩色與松杉

張鯢淵中丞漳南凱還餞於鄴山六章

帝曙東南宵旰勞素書先此展龍韜
一匡江左歸微管八翼天
門試夢陶戲下旌旗新變色
帳前風雨舊投醪坐教赤子還牛
犢半部饒笳靖海颺

樓船橫海幾時功
牙纛山移指顧中
自向堂堂資勝算
不教貔虎擅名雄
人因將將知神略
天爲師師錫帝工
帷幄祇今無頗牧
畫形端在明光宮

五代三驅六御森
不愁獵火有遺禽
英風已破虺蛇膽
道力能馴龍象心
亂緒必誅君意定
戟門高閉主謀深
紛紛投策何須問
保爾征衣灑暮砧

綢繆四海歎方攘
清靜場中將略長
豈有懸弧師李愬
頗因刺虎用鄒莊
濟川舟楫通胡越
救世文章寄斧斨
最憶當年粗莽者
誅毛戮賀未高強

殲渠散脅古遺經
莫看旄頭太白星
將相能師陸賈意
俘囚已過單于庭
休從方箭頻開社
但取桴枹別建亭
文德脩來匱我謾
牛羊久不問先零

七建風雲七斗觚
可云底定未全圖
天心厭亂留揚越
帝德光華尙海隅
碎著枯碁餘十一
迴陽神手立斯須
餘生已共龐公老
長嘆伏龍與鳳雛

周穎侯司李寄至感時十議四章

時務經心偶傑多
其如風雨迫人何
談梅銷渴情難量
改轍呼車路未頗
碧血萋宏除舊恨
白頭樂毅負高駝
一枰一著千翻手
空向山中問斧柯

滄桑故事已難陳
再造心傷謀野人
主聖諒無開口處
天迴賸有感時身
彌山猿鶴慙芳草
半世糟醅溷葛巾
立國新模猶未定
茂宏空作古元臣

欲濟橫舟鯨海深
新書未奏已沾襟
蚤知世界餘今日
縱有訐謨負夙心
喫飯寇庭眞宰輔
投身幕府半詞林
可憐姚李匡時

疏盡作南陽抱膝吟

洗佞消讒付北溟尚多桀秀溷堯琴暮無進取難爲守鼎值烹
鮮不避腥底事滂沱看故國何人談笑上新亭祇餘神烈英風
在白日烏龍護紫庭

答沈聞大依其來韻二章

蕭然短髮老華顛鼓腹難隨麋鹿眠生世已當虞夏晚翫心空
在羲皇先表閭人識鷄窠樣賣卜家餘豹尾錢幸有絃風行百
里沙蟲未化尙安便

嬾石愚谿各小山但無芝艸媿商顏幾行鳥跡沙田外一幅漁
簑風雨間世道自隨人變化野花聊與竹爛斑不堪垂老看新
秣賴爾巾車數往還

爲縣公留眷二章

君莫離官念故園世間安有穩柴門曲當入破須停拍花欲經
秋亟掩根白髮舟車懸嶺道蒼烟鋤笠動江村未殊風景着他
日半壁河山答至尊

雷雨方交多難初賢勞其忍負車書掛冠不及懸神武解組何
能慰板輿泮渙人情存葦葦綢繆風信共衣袂乾坤貧病容吾
老猶爲大夫賦出居

十月出山林守一李元仲洪尊光林君若鄭牧仲陳英子

勝予再入武夷分賦六章

一經再過每下車鷄盟深創到枯魚慙將殘夢酬新局悔不局
雲註舊書世外星辰輕作客山前猿鶴老猜予不知晉魏飄零
後多少高人此卜居

石樓曲折紫崖陰見爾長懸綺皓心未必瑤華生鐵嶂果然芝

草似危岑關將真氣防來鑿
得樵風老不禁從此便迴俗士
駕故山石筍細蕭森

旅客空多猿鳥愁
道人不記此重遊
書從數閱方知妙
山自三過始覺幽
遺蛻丹翁長啟齒
離經石子坐搖頭
滄桑世界沙塵外
莫說麟鸞十二洲

朱門多改邵平瓜
賸有青山白著花
豪客不爭雲物帳
官人莫稅舊寮茶
謾譚洞脉三千里
已探靈符七十家
黑髮幾時今被雪
與誰領略老烟霞

荒桂藤梯久絕緣
松楠不記與齊年
世從入漢知名後
人自逃秦未過前
判得數峰歸老子
捫將細鑿問諸天
終南王屋無棲處
自漱雲芽與鹿眠

溪雲天瘦石泉灑
閒卻溪聲老釣徒
瓊榻不爲高士下
紫困可有素書無
林間鹿起三珠樹
竈下人通五嶽圖
最憶巖灘灘上路
羊裘藉艸共樵漁

與諸友入滴水巖逢黃屏周太守招酌三章

九曲三過未覺深
因君更到碧崖陰
黃花已闕漁人棹
仙掌仍招舟子心
未鑿丹樓函萬戶
能鋤荒灌足千尋
可將架壑移於此
別作枯船闕石林

掌崖吞吐百花原
領略諸峰此獨尊
夾道宛然通帝闕
疎橋時一過孤村
幾聲啼鳥述歸路
無數遊人不門
况有乳泉堪洗耳
菖蒲小海自崑崙

簾洞雲深源未從
輕舟波駛失從容
三嶺外無多逕
石鼓崖前又數峰
鶴爪擘窠分水脉
魚鱗著樹上油松
日斜欲出裴村路
媿聽幔亭子夜鐘

同友坐茶洞觀元仲放仲英子登接筍峰乃就驛道送諸
友遊石獅天游因爲別三章

接筍峰頭雲縷微少年曾此傲輕肥懸梯不改舊時路支石難
忘天上機肉翅看人猿鳥細羽流導我熊鳥非何如此處懸雙
榻白地瓊臺繞四圍
漁郎兄弟古參差纜典雲窩又幾家每道山惟茶洞好不妨人
說石樓斜買舟直去衝雲壑漱石從誰煮落霞選勝欲深深便
得曾孫別有闕桃花
笳吹楓落已紛紛征人何苦惜離羣建溪千里流終合越嶺中
條去未分紫塞蛇龍寒起陸孝陵鐘鼓夜深聞世間不試巨靈
掌留付空山掃暮雲

富沙晤陸岫青侍御三章

垂釣白頭老不難慙無經術起時艱才疎自合推微管天定猶
須論討桓搏兇如斯擒象力葦航莫作漏舟看單車蹇僕空山
道笑殺將軍老據鞍

四九江南運未窮踞蟠龍虎動遺弓指困當日推名杰斫案誰
人記茂功豐沛於今思猛士治城終古少英雄朝天滅賊知何
日百折江流共向東

中原方召幾時無得見溫陶亦自娛但使江淮清兇窟不須羌
問龍圖八公艸木寒毛膽七建鋒稜淨斗觚况是高皇親帳
裏捉刀豎子莫驚呼

昏曉八章

昏曉看人日不同誰從昏曉破鴻濛白蜺已出赤松上旬始又
生若木東半壁星簾鉤不住西傾宿海葦難通暮年怪事多如

許總在前朝舊史中

前朝舊事寫難平猶是尋常風雨情淮水能扶典午運江流不
斷香孩營會稽太守帆揚越靈壁前茅抵汴京碌碌於今無足

錄祇慙元老自身輕

案太守帆一作大吏連

乘除德運且休論但道前年涕淚痕帝子何曾奔采石老臣不
合下星源蛟龍失水雲難護女子當圈虎自尊自是廟謨謨太

遠非關將士負君恩

案年一作朝

燕臺已滿春秋年又泝讓皇飛遁前沙漠暨餘閏秣東南剛
倚不周天唐家陵寢經三復殷室河流保七遷一旅一成誰忍
捨有仍臣子最悲懸

排決應非隻手能洪流詎復古人曾河精有意留神鼎雲雨無

緣解白登人溺儒冠歸猛士家傳華鬢上胡僧殷勤石室脩金

史別與遼兒續夜鐙

案雲一作雷

為臣為虜各匆皇但以區區仗彼蒼身有微名藏不得道慙善
卷死何妨間將蠡海看沉逸嬾與胥濤鬪晝狂七日秦庭聲淚
盡孝陵霜露夜深涼

傾危世事廿年中曾夢高皇與二宗勝負當頭須有數去留捨

我更誰從折肱九度無良藥鍊石三分失國工要是在天憐老

馬飄搖風雨失途窮

案失一作惜

不敢攀躋古聖鄰廣明政繁亦賢臣灞橋詩就能歸隱沙磧兵
來不動塵老去九原慚李郭生還百勝讓項秦滄桑覆手幾年
事又見文人賦美新

案不一一作未

右昏曉詩杜云天地割昏曉六朝人皆稱昏曉比乃有
為昏曉者然昏曉屬大易昏曉從人難言念可歎

第七章言高皇一宗已著蹇騷註中天啟甲子初散館
夢神宗危坐甚偉呼予近前大聲云汝欲勝人道在自
勝疆然而寤乃以晶草鐫之又十二年丙子予賜環入
都夢文皇垂帷臥關神廟中予至床前太宗擁被屈指
者再云三九四七誠如所云蓋指易象中命秣也去歲
予奉祠出都將至天寧洲爲風驅回泊龍江灣三月初
一日也夢高皇至厲聲曰卿竟舍我去耶予對曰朝廷
舍臣非臣舍朝廷遂遽然覺以是徬徨江渚及聞五月
十日之事今又半載捨身於此予在林壑不知何緣
感至此欲使後人別其昏曉耳

夷猶八章

夷猶不爲審便宜儒行當年次第時程力螫蟲真極賤留身苦

鼎未全癡丈夫制義恆無害貞婦投胎石化誰便作冬青空下
樹幽人小可共題詩

無可商量自主張更無影媿與周章夜行獨與旄頭遇橫死猶
當明月傍結凍天教石骨冷崩崖人指廉夫剛曲兵直刃均無
動又爲前賢倩首陽

百折河身老愈渾誰能一蹴上崑崙歸裁已覺吾衰甚適楚甯
知道力尊立地覆舟成法事開山留掌謝龍門平生不餉常茶
飯爲叫巫陽再筮魂

蚤知沒箭已離弦不忍當空送杳然虎豹文章銷幾日獺豺禮
樂敘當年地無閒隔人間路家失標題江上船彭澤新詩何所
道納薰峽裏恨東遷

慷慨從容並路行古人著語甚分明廣陵未散江濤韻蘇嶺猶

聞鸞鳳聲道入死灰猶有息人當化鶴未忘情懷沙頌橘逢漁父不與從頭訴不平

素車白馬各奔濤無復中流樹桔槔一尺檣帆猶有勢十年種蠶未爲勞橫開虎市終歸穴不噬麀飢枉落毛此去虞淵多少路忍舍枯吻臥江皋

氣志爲雲雨不從祇緣學問未瞳矐姬公豈必管鴟羽靡鬲何曾入鼓中冥悟自關十世力虛無聊遣一時窮靈均弟子多精采不與大王說小戎

隴蜀未收江海移看人又到蘇張時家摹六國黃金篆客曳三河白石詩塞絮洗腸生不悟吞氊和雪死誰知尋常古道循眉髮七尺逢人且自支

右夷猶詩將發婺源夢道中勒石甚深雋記其末句云

夷猶吾行兮騷云夷猶兮中洲進退由人亦不得自持

聊觀之耳

待命八章

問誰待命爲誰來延頸當門白刃迴身自癡羊枯黍粒人從墜

壑轉靈胎宦情少小輕夷甫轍迹今深謝老萊可是將軍塵自

壅排牆便倒不須哀

案今深一作深
侵便一作未

蚤知鹿命在庖厨卻爲彭觀俯轆轤怪事定經平子過飛泉的爲次山枯天寒杯酒和無害春入江流草自蘇炤管多方心緒亂留將天步與天扶

水濱玉蹟委江南不以兵車遂笑談猿鶴化人收不住龍蛇去野死多慙召陵楚相高於管西竺胡師老似明長看北盟書白卷敝裘無處改春衫

明德懷柔三百年
何得遂居然稱劉曠收河雒拜賜西
戎入渭汧甥舅人情依化外冠裳世法備君前從頭應勘六朝
史不與金遼敘比連

江漢滔滔天塹中詩人以此界王風便將南北分義馭未有虛
星亂故宮無數生靈環几席一時鐘鼓滯彤
澶淵紫蓋猶騰
湧記得前朝富鄭公

九罭魚龍感伐柯此中寇媾已情多世間猛獸驅難盡天上明
河久欲波破斧不支王室遠孤身亦奈龜山何傷心有淚如零
雨莫與征人訴雉羅

進退逢人自觸藩三閭舊有未招魂身當下卒輕管敵家與上
官共感恩履虎當年循易貫跋狼幾載事鴟原從今七尺輕於
葉莫道當年舌尚存案年一作時

當年亦不許和戎要自觀時世不同日在熒星難享祀夜闌狸
鬼易稱雄破都原不因
辨賊何須恨國工十五朝來恩澤
渥莫將湛露稿秋風

右待命詩待命猶延頸也自正月廿四日繫禁中廿六
請命聽燕中消息以富鄭公故事夷猶未死冀遂後言

歸釁八章

釁鼓歸君未可期斷頭自古亦男兒道無報復人何用烏有雌
雄鬼不知一諾千金明季布三旬九咽老原思遠才使馬垂騏
驎又是悲鳴屈跪時悲一作長

百尺松當寸莛栽因無歸路失徘徊留將卽墨驅昌國保有屠
兒負將臺盈篋謗書明主鑒扶屍裹草小臣哀鴻溝未割東南
界何日繞朝贈策來案失一作去將一作築扶屍裹草一作襄屍橫艸東南界一作江南半

此間突騎半遼人尙道明朝舊主臣犬馬猶知循故道蛟龍莫
怪損微鱗建炎逆節難相倣婁室通家別有親最是魯連書不
到二陵風雨共悲秦

未擬長驅且閉關勿忘在莒與棲山狼弧已覺西星淡羿矢應
教白日閒疊陣浮圖摧拐馬兩階干羽贈刀環孤臣曲折何堪

道別與蒼黎起痾瘵

案曲折一作拜賜黎起一作生解第六句贈一作上

撫綏統御失兼籌文告頻頻事遠柔無復征西扶鄧禹空教壽
史貶明侯茂宏從此多遺節士行當年上小舟徑與中朝脩話

柄愁雲長覆蔣山頭

案失一作出貶一作訴從此多一作事後搜愁一作油

底事何曾敗乃公項劉勝負百番中滹沱有厄應先渡芒碭多
雲合往從已勅諸君無浪戰并教大樹不談功艱難苦恨身親

遍歎掌淒遲命不同

案合一作盍

一寸雲車輾百城何人不可共功名身無怒喜關從事坐有醇

醪散步兵不信暴風摧豹尾偶然獵火上龍旌桓文已死懸牛

耳仁義當年霸不成

案輾一作覆上一作射

智少深慚覆餗多經營四月委頽波千鈞失弩緣鼯鼠白日趨
風負魯戈後勁貔貅翔遠海重來鵝鸛阻關河才難顧盼愁明
主朝士今如安石何

拚得六章

世間萬事皆拚得况在神明淘汰中性靜自應情不動道恬端
與法無窮雲根觸石消枝葉霓采因光失去從不是此生多解
脫元來不藉物爲雄

觸物粘空便著時祇緣身事不相離身如菌艸生無焰事似枯
藤不上枝佛亦好名沈佛國天爲愛道損天機誰人唾手懸崖

裏百萬金錢散與誰

與君夜漏點空花自是在家得出家道法著心均有礙精魂非
汝更何涯不將劍佩裝山鬼無復丹鉛養道芽平淡看人生死
外等閒暮紫與朝霞

精微可在北辰端不作單雙揀擇看煉月得膏猶帶火烹天出
滓始銷寒人無兩路參能透道有千層剝盡難野葛熊魚齊下
箸千年雷雨鼻頭觀

墜地悲啼屠放刀更無家計典織毫一番黃葉離真母三事兒
錢試汝曹莽操中身多識字聃曇末路共綈袍雲舒雲捲青穹
在各爲冥鴻送落毛

首陽溝壑一般身不見荒林有異春鷺嶺神通猶捏怪藐孤處
子未傳真掀翻世界餘雙袞宸宥門牆炤四鄰煮鶴燒琴無不
可逸民前更有逸民

拚不得六章

底事當頭拚不得古人神理各周全正當竈下脩蠶織錯憶堂
前布几筵藥力不爭茶飯路絺衣卽在緼裘邊看多起倒翻名
目猶是飢餐與倦眠

劍氣芒鞋未縱橫石頭猿鳥共聽明月將半滿看魂魄潮向盈
虛論死生一字鑿空千古誤匹夫獨往百神驚移游顧盼無成
業枉與烟波敘不平

秉燭觀燈千影重何曾種竹失栽松捲簾月到時逢雨永夜歌
深卻聽鐘滄海涯多漂鐵石明河上亦有芙蓉萼門自掛水蕭
後又與貧兒施晚菘

左攜劍鳥右詩書三寸枯桐百尺居料海定逢垂竭處看人直

到未生初香心不盡留芳艸龍性何曾變白魚微服卻萊二種
事令人千古立躊躇案尺一作歲

杵鍼直不說虛麤入細功多別妙無一姓羲軒真骨肉十方華
嶽老頭顱朋從動色虹爲白兄弟成仁竹未孤凌躡一生何所
藉迂儒果亦未爲迂

才火名湯損未涯緊拳咬齒失嵯岬道因至命全歸默木自還
根少著花日月定穿胸脇出雷霆不向夢魂拋古今宏毅曾夫
子萬里扶肩直到家案咬齒一作握手

右拚得拚不得十二章馬平王心乾與余壬戌同年同
在詞林而以乙酉領解實余始生之歲旣長余二十餘
歲余嚴事之乙丑且別余至床前請益馬平直云會有
所拚拚聖賢得神仙拚神仙得豪傑又云拚豪傑得神

仙拚神仙得聖賢余應曰拚得馬平曰拚不得去今廿
餘年馬平太拱矣而余猶拚留未定因作拚得拚不得
之詩冀後人有以相砭也

武陵嘆用方孩未韻

十二章以下從別本大條函書補遺

綸閣軍容動絳墀出車天子自題詩殿中舞馬看推轂日下交
龍覆畫旂信有皇威收撻楚可無彤矢告平夷繡墩玉饌尋常
事不數邃楊將相時

爲龍韜雨豹韜雲秦起曾推馬服君風鶴已開襄鄧路水犀仍
駐夷陵軍健兒再報賀頭檄坐客頻拖露布文最恠鱗衣三萬
段一齊盡昇羣

望歲苗雲六月枯閉門梵唄傲迂儒百城赤羽愁無賴三戶山
芴莽欲呼自是飛蝗知禮懺何須畢哺問啼鳥可憐五避無歸

處銀犬桃花白日孤

尚方劍賜古誰同可曾斬馬便和戎勦餉三分資寇精兵符十道假神叢幾迴朽屐成遺矢自擬虛弦爲掛弓襄洛翦桐齊唾淚董逃何語謝關東

翹翼雄心領八州精神滿腹動溫侯步廊學走中宵淚連井移牀私夜謀閉得入賓藏好手妙將薦剡附名流當年金鏡貪詮宰誤探玻璃得錦綵

可無精館與邊樓十萬橫磨刀筆頭狡獪元平推辦賊下中李蔡未封侯故鄉父老驚牙齦四國元戎繫贅旒况說今年不至今已教帝子坐銜愁

六甲常圖八遯門西莊錦纜近花村山當瑪瑙題鴻烈鬼過參巒泣暮魂顛頭盧如可借枋頭瑕罅已無痕曹桓僨事誰如

此贛史當年氣未吞

豈有英雄六出時侍兒愁進彌留卮閣門自墜碧鴛瓦帥府坐燔白虎旗結袂王孫頻見恠開園公子蚤攢眉九疑七澤千千路不遣龍蛇勝所之

中原燹火與天通盡爲樓船楊僕紅五案朱批存濟北雙鞵青夢斷江東誰從林下頻求馬自是金夫不有躬秦蜀替身深涕淚窮奇到亦到奇窮

三載紆籌破四藩衛巫但不許人言閣中捷報黃衣淚臥內飛符振子喧到處桃蟲拚破鏡幾家鬼撲頌香蕪不知杜預當陽日會拜花驄寶勒恩

鷹眼看人舉佩刀知誰賣塞不歸曹夔門撤戍旌旗亂粵嶠還輸輦負勞奏凱軍容分豹尾拔營賊帥附鴻毛慙歎欲獻詩常

武卻道荆舒已驛騷

何處旱蝗不自頻更催協餉最酸辛三千赤牘蛇含霧百萬朱提蟒怒鱗常使王鈇威不效坐教惇史病難伸於今天下人悲楚莫怪洛陽著過秦

再滌元蓋

三章以下附錄

無根雲樹許誰攀祇可焚香坐掩關
遯思已通許郭外泉心迴
出絲巢間一株竹杖扶衰屨
半榻濁醪發老顏荒落洞門頻灑
掃看來仍似大愚山

深篁叢桂斷猿攀剩有蟾蜍自閉關
保得秋風扶半壑能教雲
翼灑千間鋤鋒聊略存谿意
苔篆依稀破石顏卻憶駝峰冬筍
熟蘭舟已罨門前山

何辭泉石老偏耽不惜衣裳碎紫嵐
海市定教麋頓足鹽車莫
使鶴分驂靈書已出丹上下美箭能留
吾道南幸有諸賢多秀
句一齊巖雨上青藍

大滌山房看雪中機欄用諸友韻

三章

萬壑無聲四壁暉
恁逢肇客傲柴扉
愁鷗刷羽看將睡
凍鷺銜魚不敢飛
月色兼葭垂釣老
檀灰氎絮小僧圍
欲移此樹家園去
當作琪花共忍饑

見爾蒲團玉屑投
可如飛絮冒青樓
雕將六出仍千出
灑得含愁又破愁
浸月梅峰難結伴
衝濤漁父許爲儔
萬金欲買雪花去
歸屨菱荷翦翠柔

亭亭綸扇鎖深寒
不作蒲葵熱樣看
著翅道人棲羽谷
披裘老子護雲關
谿頭欲撒青精飯
鳥爪頻傾翠玉盤
試割魚腥烹雪水
不知身在碧溪端

有友初至山中爲賦雪竹用韻二章

尺蘄寒心老欲藏空山剩有雪花光燒丹灰裏分香芋退粉簷
前罷曉粧鶴爲羣飛初拔箭蜂因蜜毒倦開房高賢莫說程門
事合共騰騰過睡鄉

蕭然翠篠此鱗鱗頓化玉簫千樣新一夜葭灰吹月暈羣峯雲
帶漏青春乖龍欲惹老翁釣衰鳳頻呼白鴈臣最是蘇門長嘯
後不貪竹實更清真

甲申冬至大滌山禮闕用諸友韻六章

薛居然溷絳衣可將楓陛問柴扉王正已屬興朝運簪紱仍
舊講幃一握雲中看不遠雙鳧雪裏未輕飛慙爲海鳥避風
日亦覺鷓鴣試攪輝

山院鷄鳴動曙輝不知雲蕊尚分飛幽人出處關青史逋客光
華負絳幃紫塞如通南極路長江祇隔北門扉可憐豐邑神靈
在未放千春老布衣

長日徵車滯小山綺黃真不厭商顏已拚瑤島焚魚佩又向雲
窩發鷺班客爲雪深疑斗迴人從早久喜霖潺幸無羌虜窺南
服但祝銀河銷玉關

燎薪爨桂幾相關遙憶秦淮宮樹潺沅武湧幢新帝搆彩雲賜
服舊仙班青陽日道初通線白髮孤臣又駐顏莫說鑑湖多一
乞他年欲乞門前山

艸堂委佩亦蕭森猶是鳴騶未出心吾道不隨日晷盡野葵偏
識主恩深猿麋逐隊禳香火龍虎江頭禮盃簪二十五年開禹
鼎莫愁王謝共浮沉

周命殷盤共鼎新壁光藜火照西鄰窮崖已識天根復幽谷如

頌寶秣春媿少謨猷扶帝略疑將迂腐溷儒紳夔龍踪跡猶荒
遯莫說玉皇香案臣

舟次吳江逢高硜齋閣老移棹下詢有作

四章

神廟山東舊老臣何來江上見鴻遵中興五月師山甫退食三
秋問水濱泛泛乾坤依半壁盈盈衣帶隔青蘋城南大宅誰相
贈王謝當年尚比鄰

龍驪此日正登壇頓有風雷坐釣磻不信補天容化石已知障
海重漁竿鹽梅業就青山老麥秀悲翻江水寒可是棄家陪社
稷南飛烏鵲月明看

興元詔艸屬伊誰畏見哀鴻及黍離王氣未迴北塞路古人多
誦東山詩元雲擁蓋從龍日白板渡江控馬時最憶先朝十七
載宰臣歲歲改鬢翁

民勞洌彼已堪憐可似殷丁建武年遯學無人稱傳說徵書未
敢到燕然頻看灌老齊歸巷少得英流共叩舷寬大幸聞新主
意一時悲喜動青天

哭馮留僊開府鄴僊大司馬

二章

君竟飄然赴帝宮遠尋龍血泝崆峒天翻莫借蓑城力海涸難
銘砥柱功不信甬東饒種蠡果然廣武失英雄飛鳴千古愁題
彼盡在諸陵風雨中

才盡應知國步頻中原劍佩逐無人山荒虎兕啼孤竹日落麒
麟泣采薪剡曲推琴成故事華亭唳鶴動臣鄰單袞布被還楊
震高鳥前丘有共親

宏光改元奉命祭告禹陵

九章

明德應知七日齋元圭凜出古人懷成平四海愁子溺艱鮮當

年念汝諧砥柱何曾師宛委未流誰與共疏排興朝欲借弼謨
力千羽從容報兩階

海甸初清原隰勻已從南國紀星辰江流不改塗山路石紐仍
通越絕珍是處黃雲縈寶鼎更無怪物擾明神精禪一縷爐香
外合使龍蛇自在馴

重華四七想當年玉帛齊歸刻木前蒼水人分疏乞紀不周山
抵東南天吾師自憶西王國好友能無陰子然俯仰孟門何處
是冀州萬里共狼烟

舳艫弓劍各披離猶記呱呱辛甲時信有專車餘骨骼可容金
鑠動支祈諸侯不貢江淮怒鳥鼠欲侵山雨知當日荆揚連楚
越精靈偏繞會稽碑

引誠危言動帝庭自陳辛苦與零丁文腮偶曝黃陵廟巨掌頻

批山海經不信應龍長寫尾可憐金母未還形泥塗榻檣千秋
在合爲畫圖重勒銘

降割深悲下土方與誰胼胝副垂裳邊庭有邑空聞喜岳牧無
人念拜昌溪鳥居然師蹇步軒禽終日啄餘糧欲隨刊木山山
去螺蚌當年亦耿光

鼎耳銷多螭虎哮不能無事理山坳孟津飄梗樓王屋春燕歸
林別有巢所恨大東辜織筐未愁全楚滯菁茅秣年四百知多
少空憶龜書在雒郊

何年則壤變雍徐况復桑田滄海餘勤儉豈須崇五耦神明端
在泣下車此間薪膽留遺俗遍處靈威隱道書手足隻身何所
効老臣強半事耨耡

板蕩乾坤得幾曾滔滔無處著功能不驚杞帛題旌夏更向允

征問敬承北戶璿光依半壁有仍天作自中興慙慙爲說艱難
事千古元良重股肱

聞曠使開雲霧山有感

七章

不談句踐臥薪日但說衛文大帛時豈有內供常苦乏而須當
寧坐攢眉二東已失履霜賦五省重歌哀澤詩建武元年多少
事勅書莫使嶺猿知

聖哲天生少令臣遂無羹酒谷高□魚鹽膠鬲周家令鐵鑄夷
吾東海春地不湧金成鄙事天如愛道慎清嘖蠶叢故國今荒
盡涕泣繇余未報秦

食貨相權得幾何應憐狸貉噉人多儻車已破千家奉從騎遣
經百堵過無數焰風吹火樹有時晚日亂星梭雲崖亦在刀鏡
裏何處柴門隱薜蘿

興朝茶酒未徵租平準何慙卜大夫每有羨金輸大僕未曾銜
險失鹽徒中原艸盡銅駝寢江北兵荒錢樹枯甲乙半篇看不
就捉摸校尉傲迂儒

神宗中歲寶瓊盈盡是前朝積案成山腹依然含氣在蠅頭未
與細民爭諸藩老庫移金櫃內豎傾家失貝城何處全資贖稅
力石田空與虎狸耕

東南杼軸夕成空况有徵兵與伏戎不信六朝曾鑄錯可憐四
海未歸鴻蚩尤若畏莊山力婁室應資銀夏功最惜橐駝二萬
輛盡移內帑入關中

龜從雲霧破山還又見人翻雲霧山點鐵安期滄海外屑金翡
翠羽林間幾分甘雨成珠玉多少蒼黎寄艸菅泉竭池傾何所
託勿云壯士不開顏

倪鴻寶年兄竭忠殉難天下聞者無識不識有棟折山頽
之慟稽諸古人無與爲罪卽欲瀝血瀉地稱揚宣歎無
以爲辭也念鴻寶兄生平喜予作七言詩因勒四章登
之素帛生芻之義與驢鳴同奏足誌嗚咽云爾

不周山撼海波飛四海空濛安所歸欲假烏魂依墓樹擬看龍
血濺君衣武擔石圻文昌落箕尾芒寒白日微三季中衰無死
者箇真直道古人稀

龍戰騰空尚怒鱗九原講幄有親臣肯教箕比成孤往忍與夷
齊結遠鄰白壁不歸秦柱下青笄難憶趙橋身應知先帝思賢
日悔卻章華長鬣人

揭來風雨此飄搖一夜天傾失斗杓江左於今微管仲興時誰
復舉皋陶文星割燄驚櫪馬壯士筮魂上海潮著飯喫衣翻不
得尋常庸福幾人消

兵農禮樂亦長城孤掌難支大厦傾志養已教生不憾英魂豈
爲死垂名龍蛇退筆存鉅鹿虎豹遺姿照二京千古詞臣誰第
一髯蘇宣陸讓先鳴



七言律
三

黃漳浦集卷四十八

詩

五言絕句

再游天城山賦示諸子七章

鳥足畏巖栖蛙頤苦冰陷所恃羊叔山顧盼得鄒湛
泉壑何須有霜鐘渺未窮石湖新水滿聊與罷吹銅
倦興憩蓮岡餘情襲夜飈豈不憚崟崎所憐在絕巘
紫玉乍分眼青霜載危礪無數嶺上楓一夜已成紺
觸地星辰引牽蘿猿夜連不知回雁嶺能續斷藤緣
尋幽芝澗水謀徑自村農昨夜檻前雨遙分石上淙
折屐隨山喜輕身俯石巢芙蓉雙髻出不與野雲交

靈巖山詩

從晉門廿許里至牧犢爲吳子採香之徑北抵山麓可
二里爲靈巖山西望箭河如弦上竒爲尋芳故道石磴
左轉得小厓洞其上爲響屨廊廊上轉磴得古浮圖是
卽山靈巖巖後高閣據于垓頂左二圓井石鑿方池皆
亢日不枯上躡石鬣是爲琴臺琴臺北下走諸山陰可
五六里卽天平諸峯之背崎嶇經邱下歷窪宮竹塢在
焉竹塢左上歷阜嵯峨南據崇谿包迴壑中奇石閒出
飲於谷水是爲天池天池左望監石嶺上如茵菖者卽
爲華山踰華山嶺下抵古寺卽華山寺舊稱赤松所經
碧蓮吐英得之服食可以不死者也華山左出天平北
眷夾隴右迴巨石錯落是爲寒山含澗盤谷幽人所棲
寒山左出北望陽山南渡橫陁始見豎石千指羣立如

老松林化爲石笏是卽天平之回范希文之舊宅在焉
天平左支矗石孤馳是爲金山與靈巖峙從靈巖迴望
羣峯削秀大小絡繹如葉未舒朝秀吐葩並蒂可摘自
靈巖之北沂之東連箭缺西接穹窿邱壑之姿幽不可
測也

靈巖遲健足不至眺望久之率
成五言七章

古寺厭花谿幽徑長芳草不意鑿鏤江卽在香山道
君王麋鹿山美人虎豹窟得石何必工千秋豔明月
越客單衣貴吳娃屐齒輕至今五湖船猶作語兒聲
昔爲館娃宮今爲法王殿翻意鴟夷皮愛覩金人面
絕頂多靈泉不作天池擬疑是浣紗溪化作灑腸水
傳有古琴臺卽在巖巖上風雨多悲音破柱自相向

不信牧犢子曾爲少伯師虺蛇能覆國何必問熊羆

竹塢九章

竹塢是文湛持家瑩傍構別墅繞竹迴欄緣山取徑巖
洞數所差可坐臥谷口得小蘭若翠篠殊深與山相向
出橋塔之左緣山數十步下臨碧潭上矗危石掌紋宛
然與竹塢通矣

茲山何窳僻蒙茸少人跡下有細流泉上有百仞石
植松宜嶽寄布竹宜寬曠所貴幽人心初不喜跌蕩
低廊足通屐小院足安步苔蘚綻石衣猶未改其素
人世寡團樂會逢意亦可紫陌千金郎何嘗日安坐
湖西百畝田窄於一山脇移石臨高臺不寫爭坐帖
娟娟翠篠下落落垂屣裏偏有歸然人兼得隱居理

竹徑隱禪房菜水亦清奧敬靜生鐘聲不作高士傲
瑩瑩白玉臺招招巨人掌隱隱舊書聲邈邈連屐響
邱壑不易置松茆難比鄰何期別開徑分待千秋人

出華山寺五章

從嶺後抵寺中不睹山門之勝出寺乃見蒼崖森然列
柏成行殊勝後洞

歷歷忽孤聳奇石每可拜生公有市心莽自誑都會
崖巒蔭長松所在或不少照彼華山根遂得領深妙
豈不愛盤桓寫經亦成趣高人少枝節得雋略回互
平生有高詠不破蒼苔面回首見華巔歷歷如紫電
羣峯猶欲騁似有未盡勢幽栖在一室何必寶餘地

寒山四章

寒山無復主人叩扉良久而去

泉眼想微茫山骨已破碎幽人自高眠烟霞坐憔悴
員石不可豎窮鳥日難賦誰當屏薄車更爲泣玉璐
酒脯瀝詩魂巾衫禮石丈一爲闕中碑斯冰空相向
兀兀大鳥翮忽忽高厥鼠雀蛤溷深林不復見毛羽

蓮花峯觀道藏八章

一峯千曲徑碧靨護青筒谿水無元素安潭萬峽中
卷曲青螺頂能開十畝棲已垂天日睫猶覺眾峯低
記得生仙觀不分像教堂空中銜錫鶴宛轉自翱翔
貝葉連青簡梵音解道書總緣文字外施藥與衣魚
共作無明盡依然不二門仙人嘗錯誤又過桃花村
頑慧何須別蒲蘭各自花驚聞十羅漢一夜委袈裟

萬劫末年事殷勤祝聖心滄桑已若此海嶽慟高深
龍胡不可繫雞犬各滂沱武夷與天目若箇感恩多

昌化至新安道中十章

已過於潛山猶在天目下竹筴化危巒蒼素各盈把
笋脯入秋老不老白者柔青山青反稗攢白過雲頭
白鷺趕青溪青松落樵斧猶疑白足郎欲作青鳥語
未走蜀山道已從閩嶠來五丁一百指血縷爲誰開
儘有擘雲峯卓出銀河外野老不知名但識吳越界
聞有大鵠山遠與龍塘接龍鵠久模糊馬蹄空蕞業
左擔穰檀樾市樓盡覆簷回頭語僕子莫亦愧香鹽
擾擾魚蝦裏昏昏風靄中避秦當日路裝束與誰同
不似買山者何如採藥人隔谿聞虎噪便面自遮身

落日尋栖次班羣數旅錢十年冠蓋事一夢一翻然

過藍田借庵夜宿不得六章

虎兕各遵野蜚蟬自翳林夜飛何處鳥不識鳥棲心
風塵多紕誤泉石又勞人豈有看山者蒲團不蔽身
不合行窮日多因畏旅巢驛途新屬禁豈亦到僧茅
已就樹下宿猶憐未出家投錢舟不渡母乃太嗟呀
媢罵何須甚夜深人信難已知新佛醉不惜舊宮寒
未掃搜山與今知濟世方欲從弱水渡合借鼉梁光

憶攝山紫陽樓八章

自攝山歸意甚忽忽憶太石閣左有紫陽樓小僅容榻
樓後開櫺備見諸峯轟然欲落樓左小房推之見架上
有鈔成永嘉集雖作語而精潔可觀意宋時修士多

蹈彼徑今在吾道中不見其人爲之浩然疑諸傍崖常
有逸美

走馬看幽徑能無宛委疑古今高士傳總在夢中披
盡道覽名山經眼不可再鳥影落懸崖窟復知所在
閱過千尊宿猶云未遇人應知有部史無一是當身
甘露灑孤松一夕生芝草道人拾紫花乃出馬闌道
海市初經眼未忘得寶心穿將滄海出不顧萬筋金
落月想鍼絲非關所見小木末一聲鐘葉葉根啼鳥
合眼孤舟下現身百國來千秋人瀉影兩筆不曾開
今日揮淚餘所得未曾有莫問所得何甘苦身自愛

牛首山下八章

從牛首迴顧諸村落閒有佳者率與天闕相映江水所

包曲澗西流野多檜柏編成籬戶誠得一邱百畝繚以
松竹十年之後亦足自老何必荆溪之田半山之宅乎
杖頭百錢發願已奢爲之一笑

翳然林水閒咫尺見牛首遠客雙青鞋何繇直百畝
南土雖單寒猶有徊翔意正使單寒人徊翔欲垂趨
側柏自成籬野竹忽穿水通潮不百尺何必少魴鯉
朝陟牛山巔暮宿牛山下風雨閉柴扉江流自日夜
杖頭三千倍吾亦有佳處所愛諸岡巒遠興得近晤
關北與關南久矣息征戰苟無雄麗觀千歲坐清晏
雲眼既高駝千里不入目兩屨驅萬峯歲暮想茅屋
茅茨無霸氣斷岸勝孤島悠悠海外人所愧商顏老

浮山詩十二章

出九華自池口北泛入湯家口可八九十里皆沃蕩大
小成湖是桐城之南澤至金牛白茅諸山皆清峭臨湖
如鏡中爲浮山高僅可百丈週迴十餘里而峯巒數十
洞壑稱之自寺門東上厯徑至巔可千步爲經閣巖巖
巖垂如覆荷葉端整粲然約受數百眾右爲霏雪洞洞
口盤旋如吹螺殼屈折相向中遂研然層樓通空漏泉
正中珠霧繽紛日影射之虹彩可沐從洞出經巖左緣
磴曲上得天開石肘垂碧正成鏡竇度此便西向又一
岡阜隱洞無數其大者爲會聖巖巖四週皆廊爲千步
廊在廊最大中可受千人皆端整牙距豎立石廊三各
有輔車以上小築傍崖壑者皆負洞可觀摩頂窪然是
爲天池方廣數丈深不見底四崖削石從天池西望小

吉澤海集卷四
六
阜有小天池步龜坪而下爲蓮花坪石皆瑪瑙作蓮葯
理自是而下爲張公洞洞有房戶自然深窅是修煉處
從此東下迴視層崖窪曲相函皆成霞鬱洞壑不深而
湧勢百倍爲雪浪崖雪浪崖之極爲海濤洞從此西出
過象鼻巖又值浮山之正面臨湖削峯在在可眺其一
穴一竇無得而名也約此山似武彝微而具體自經閣
巖以東似萬年宮而上自會聖巖以西似天游觀而下
也衲子皆稱此山似齊雲欲以雪浪崖當其一面行當
至齊雲視之耳經書記浮山皆云海中浮至想是浮邱
公所治不虛也

真宰信幽奇雲石各相亞巖雨灑層霄何必金門下
方丈故飛游江南復江北舊是島中親雲眼細相識

烟火旣泥人波濤安可住屐齒化丹崖因風生綠樹
幽壑閒明崖房櫳信位置不知造物心宛轉爲誰媚
雖無巉削工亦有安排巧仙人多白鬢諒爲是物老
每有竒妙山定在荒僻處此地亦人前杖頭費防護
近翫安可作量居遠近閒別成夷惠徑約過蓬萊山
鳥跡依雲篆風根射虎蹄不疑元放宅便在浮邱西
已識祝鶴處未傳相鶴經因君思頂背不似嶺雲青
到處飲牛徑尋常洗耳泉當時杯不渡買隱自何年
數作皖臺夢今停天柱心世閒千尺勢總爲一邱深
帆影識山面菰蒲知客情試看人短棹盡作景長城

出廬山拏舟東下十章

先在白鹿與兩生約過歸宗旣下三峽阻水不可渡時

夏已深慮逢秋風歸興勃發遂拏舟東下計兩生讀書
尙未予知也

昨爲匡山雲今爲彭澤水雲水同徊翔倏忽已千里
古人重姓字往往名山川料除姓字外空山仍自傳
空山時當客游人時當主主客亦何常流泉排石戶
往興不可盡離懷難得畱畱將不盡意緘付紫霄頭
雨至瀑自深天晴澗應落野水無滯期初不負石約
游山不游寺此意良偏枯不知無寺處能得有山無
已從山頂來莫窮山下路山下多回谿各從山頂度
領得鬢眉去鬢眉自稱身莫更尋回面回面錯看人
兩生殊欲來五老已成別細霧與大珠各自掩身舌
昔聞洪道士今成韓伯休所憐白鹿徑曾未到青牛

江上阻風眺望四章

還過彭蠡又逢逆風住繁昌舊縣覓浮邱不得望一峯
峭拔如繪往來江上數射人眸問鄉民稱爲客山意當
宣城時謝客所翫也走十里從之僅一空山了無屐齒
惟三峯削翠石巖嗟呀足慰眺望耳

屬草看雲巢回文織江面雲枕不可安江心日數變
蠅子似學勞蝸牛良惡濕顛隋性所甘風雨何太息
見似峨眉者疑爲浮邱道標勝不因人遐矚自浩浩
越嶠故多姿江水信渾灑所惜臨安屐不夢江上草

石鐘山四章

至白下逢孝翼談石鐘山之勝空洞窈窕下徹魯班遠
放魚龍悔再經舟不探其穴率爲李蘇所悞付之聲響

矣閱物甚難標題不易概當身至之耳

皮人不可相水石故相荅所示空洞中各有自開闔
酈生雖好奇足亦未能至呼水爲蒲牢遂失石鐘意
靈秀山所珍要取漁樵嶺達士喜高談祇說燈前影
七日阻湖風咫尺不得叩幽勝避疏人官然笑吾陋

焦山寺前土中二銅像八章

毘陵晤鄭謙止云焦山寺前發土得二銅像一髯一髡
相顧語難意爲坡印不知鑄自何年并何時落草也予
孤行至彼寺門闐然雜徒相傲便出門尋孝然巖若不
及至方丈睹坡印及諸彝鼎耳

南渡自何年金焦峙鉦鼓銅人不忍見灑淚掩荒土
落草故自佳溷世共荒穢寄愁與埋憂忽忽五百歲

人世何足談正容領物悟相顧生滯心擬舟安得度
王倪屢不知桑戶爲一笑幸作長相對不著言語妙
納土旣已安出土何所擬長鬢覆被閒日夕相排比
纔聞楓木香已受龍象蹴雲水方翻瀾可惜復開目
破衲抵玉帶此意足奇雅琴密連石頭故宜坐床下
蒼茫一繫舟遂成千古蹟不知利齒兒何意頻下石

題銅面扇二章

山陰六角箠一角一銖錢墨花飛落處遺韻在千年
荷葉猶存骨黃蓮不去心幸逢古祠下神人不取金

告辭十八翁詩

丙戌就俘以來誼在必死未了諸緣無所復憶所憶者
惟春秋表正詩晷正二書未就及未登嵩室陟華嶽之

顛耳春秋表正爲少時舊書陸明堂里想已廢於兵燹
無復能讀之者嘗屬陳無涯兄弟裁其大略不知能竟
之否詩晷正必須吾自艸無復能傳其意者如嵩華二
嶽欲以黃冠丐此了願先年當遣戍辰州乞多千里移
去潼關爲林讓菴銓部所尼不知今竟能得之乎垂老
得此坐華顛臥王屋執筆以事詩春秋雖禮北斗受玉
虹不爲過矣生平所歷黃山白嶽匡廬九華浮丘龍首
穹窿元墓洞庭三茅天目徑山西陵宛委天台雁蕩羅
浮懷玉一十八翁要當一一謝之生死千秋未必再晤
風雷楮墨載其精神亦使眾山聞之謂吾不薄也

題及序載石齋
逸詩今補錄

辭黃山四章

交臂遂相失徘徊雲霧中悲猿如葉類笑客不從容
不沐神瀆泉不咽丹砂飯浩蕩遺雲舟昂然無畔岸
亦是吾家峯神物不可譜頂髻在心眸一一屈指數
新嶺非不高乃不得相見今有青鳥箋欲寄南歸雁

辭白嶽四章

別爾不多時精神已恍惚雖有蕩滌心不舍玲瓏骨
幽人多古力破得洪濛臆屏風與香爐宛轉在吾側
石橋過危溪猶有營構處欲洞三姑背巧匠不可遇
熱境雖苦多冷趣不厭少十一借巢居幽情尙窈窕

辭匡廬四章

與爾最因依盤桓恣南北流雲生笥肩天末堪鳥翮
絕頂走雲逵往往見邱壑蕭然平地身厥高不可度

西林與歸宗胸背一百里白鹿時往來丹書繫兩耳
雖不見石橋頗有銀漢意登與五老辭齒髮照天地

辭九華四章

似爾千芙蓉搖搖青玉甌唾手不可攀相思但目眩
花寶釀蜂房今非吾所舍鶻突羅漢峰不得廬其下
家山九十頭與爾貌梁甫合結萬年枝並蒂坐胸鼓
當年看浮圖祇在地藏殿今日地藏人不作浮圖面

辭浮邱四章

浮邱亦巧心移島入湖水能使十二洲一一坐盆底
大兄字齊雲小兄字雁蕩看爾心孔多似欲出其上
愛爾真希奇珊瑚鎖子骨穿藕出花髻墜雲弄明月
世界多滄桑祇在眉睫內寄得相鶴經不照騰蛇蛻

辭齊山四章

蒼崖多靈姿今爲世所寶蘭膏多自焚玩物不得老
與爾數分攜岸谷遂遷變青蓮配白日九子失背面
明月鑿新詩孤舟汎秋浦大堤胡馬嘶牛出綠楊樹
吳楚日已波那得有佳處江流不肯回牽船掛天柱

辭穹窿四章

亦是茶飯宗不替歸然號吾欲寄雞窗偕見辭鄰竈
天平美亭榭天池蔭松柏高樹旣已傾松柏無顏色
昇平聞茶香各亦有深趣麋鹿下土臺堊僧不敢住
孤山亦深雋鑿鑿照嶺月今日聞孤山使人落白髮

辭元墓四章

憶爾梅開時碧雪滿平墅縹緲三兩峯祇在梅花下

鐘聲亦霏微遂與湖水接鱗鳥梳暮帆蕭然寫落葉
何處息陰人平虛撥水鏡不意澄練中 馬亦得騁
疏蕩此棲遲似未遠閭巷立勢不孤騫終爲物所開

辭洞庭四章

靈威少真文水遯真不錯癡龍自謂癡蕩然失林屋
橘樹比夷齊貞心置爲像帝子惡省濤別出洞庭上
縹緲亦佳山爲高苦不極魚龍失大人嚙嚼白曰
吾家滄海隅褰裳跨日脚攬此盪心局猶未發天鑰

辭三茅四章

華陽最相依地肺得勾曲時復一回互寶氣羸心目
深不礙龍宮高不礙鳥翼與君三弟兄往往見肝鬲
平疇亦可耕青谿亦可織恐有水草期不得謝羈勒

良常近霄窪屢發秦王歎乃知蹈海心入山得其半

辭天目四章

勺水通銀河遂欲照天地石橋歷亂聞最得盤古意
危松盤石根香草結幽壑不以勢力工欲與神鬼搏
茗源千仞巔悔未窮其穴蒼白諸龍潭徒然見蛻骨
東南比崑崙縣照蔽千里高人不得意裂背從此始

辭徑山四章

幽人之所棲喜其多修竹龍象時往回入林解蹄角
孤崖與曲磻處處得深步似爲道果盤不獨涼城路
烈士無多心真人不八面怪君眉宇閒修飾大慈禱
樅樹八十圍出門不忍舍莫亦有 兒乘興來擊馬

辭宛委四章

辨邱一萬里委宛下平地禹蹟一探訪縱橫生文字
踐螽有高識邈與神禹邦忍垢生雄風遂得江山意
鵬勢欲歸墟龍尾時一掉東晉諸名賢遊覽百不到
屐齒日以頽六陵不可望夜潮乘暮鐘令人發惆悵

辭西陵四章

靈鷲不敢鳴鳳凰鍛其羽何處消畫圖立馬上坏土
繁華入洒掃諸子謝卜築除有大滌山爲吾舊沐浴
十里七靈巖九谿十八澗浮雲掩微埃從此不相見
曳杖上蓮花納履出靈隱閃電如隔世令人坐難忍

辭天台四章

石橋與幽壑此道殊曲折千古螺螄潭處處卷其舌
要亦不須家但得雙白鳥一跨二千里往還得不少

劉阮量河頭寒明兩岸裏上吸若木精下漱瓊臺水
名山不忍辭今復那得遇荒荒龍蛇秋猿鶴不知處

辭雁蕩四章

與子結奇勝暱欲置房几可一不可雙峯峯與水水
頂髻關神明肩腳相窅窕化物乘虛舟往往下木杪
南行有住宅今復入山腹安得路清夷相與坐盤礴
英賢不決胆十指腦造化慳彼康樂心固爲物所詫

辭羅浮四章

忽忽四十年相憶如夢寐譬彼舊著簪久已生棄置
朱明四百峯峯峯噴朱艸真人愛蟠桃琪花自枯槁
猊獮遊大荒長蛇塞天地安得舊同心相與共拔刺
僑如行苦長晏嬰坐苦短吾師今已矣不必探微管

辭懷玉四章

與子交不深頗有深交分武彝自細瑣靈山尙可問
玉清之與博鳴雞在天末餘糧不可齎含憂坐明發
嚮欲截蜈蚣經營斷鑛嶺獅子落雕巢頓使萬山冷
曠野將安歸定向華嵩去猶疑黃白山不是華嵩路

以上別辭黃山白嶽匡廬九華浮邱穹窿洞庭元墓東
西天目徑山齊山宛委天台三茅西陵龍首懷玉雁蕩
一十八翁凡五言絕句七十二首以楮竟不能復書也
十八翁與我周旋竟當舍之遠去唯武彝維桑大滌吾
墓終攜偕往未之辭也隆武二年二月誕之前四日
凡記詠揮毫須筆墨與精神相好今情事如此逝期非
遐有何心腕理其逸緒又筆秃紙硬素索如鋸據會須

使雷電碎其斷章巫陽齎其魂魄也又識

辭十八山詩凡七十二首武夷大姥繫於維桑大滌焦
桐爲吾講舍寤寐相縈未之辭焉世事如此意有所歸
七尺蘧廬何時不返而留情如此猶之癡夢也適筆楮
甚佳率率書此丙戌二月初七日

偶逢微雨

四章從別本大滌函書補遺

涸鮒仰河神呼雲出疎島白日能淋漓靈龜猶未老
山鷄愛丹羽野露不怕濕雙翻牽羽絲故在水中立
拔宅遺麥又移山漏鹿駕豈畏大陸沉匆匆何不暇
喫酒傾玉盆誅蛟截銀鎖急需霹靂車爲搏中廚火

六言絕句

感事十九章

雲裏掉頭裂笛風前輟語聽松禹稷髀毫不動廉來聲氣從容
竹塵蕉花共傳籜冠韋帶同刪莫上漁樵本子浪翻巢許江山
釣弋難消清福鱸蓴亦怪便宜耐煮青泥白石不分蛇巧龍癡
灑酒夢園裏去椎牛筆塚上來便買千金鹿骨自題七尺雲臺
蚤向江潭領橘遲看隴上條桑嘗得百般毒草未成三分醫皇
故事幾身案上殘碁數著燈前木落肝腸未碎石駝頂背安眠
灌竹一鄉異術鋤松萬里同風知作無遮法會先教雀蛤投籠
已罣珊瑚鐵網休穿明月驪珠顆粒來辭燕雀鬢眸溷得蝦魚
杯酒因緣易散交龍帳子難消休歎賢豪鳥掌可憐管葛蜂腰
映雪懸燈一處灌脂熱火雙頭俱是鸛鵝局陣已拚石鷄春秋

趙公相狗初罷倉庚載雁初來試看衣裳顛倒猶然鳥鼠徘徊
每向鸛巢乞食頻來虎穴安身可似天心菩薩偶成漢語道人
姓字不如桀溺人才偶到龍且莫遣路頭子路去問車前左車
萬馬奔場駐足獨絃鬧市哀歌已畏雞豚教戒不煩劍楯磋商
長服馬肝亦可頻嘗熊膽何愁近聽人犧躡足遙聞鬼樸搖頭
撒手蒼龍嶺上開帆白馬波中戲作摧蛇老子賺將笑語天翁
不壞官家石檻未落龍衮衣裾試問袖中白璧何 趙國相如
獵客早收冷箭美人莫下鸞刀領取銅牌領下題將仙苑遺庖
鐵距已消怪夢銀條莫憶舊欄記得聖人萬福更傳天子平安

七言絕句

牛首山六章

聚寶門去牛首山僅可二十里山如架閣一睹輒了以
塔寺取勢層秀渺望所謂雕鏤眉額瓔珞銜索也左角
垂崖自天井而下奇石掩映如口輔閒自露寶質從此
西迴至獻花巖踰隴卽爲融堂始幽奧可棲天下名區
若無衲徒不成法護不知臺佟而前巢許而下編葦緝
茅可復久不自王子年焦孝然無此證嚮乃知崆峒貌
姑去人最遠耳

崆峒道士久難摸姑射仙人丰采殊一日住山同縮髻尋常施
卻腦中珠

古人卜隱各開山鑿石雕崖共閉關不識何王移法殿捐將精

舍到巖間

王何當日祇清談不悟微雲結遠曇亦是劔頭彈破瑟遂教薊子欲投簪

伊蒲饌下幾能材圖什曾師郭象來記得盛姬啼黃竹曼聲未使野人哀

樺皮土窟不成谿邠構連雲猿鳥迷此事不關王謝過當時人祇道夷齊

南融心事頗分明法護毒蟲一併傾世上既無真猛獸藏書安有古先生

留都逢夏至因候日晷六章

壬申五月初四日夏至予已僦舟將上九華匡廬矣念去歲在都下測冬至晷常先秬八十刻南都故有郭太

史儀象因就象臺候之初三日正午晷短一尺一寸五分午末晷尙平衡初四日正午晷亦如之至午末晷尙一尺一寸七分明日午便踰尺三寸矣以初三初四二日晷度之日極短分交于子初而大統秬在初四日辛丑戌時初初刻則是後天九十刻也惜時草草不能先後七日求之嚮與人談無會者是日頗有諸臺生在備聞曲折然亦不知予爲舊吏無能與西域人爭之也聊爲流覽自成晤證耳

陸海魚翔鳥欲瀾迂儒猶自說臺官天高遠道愁平子錯憶凌雲承露盤

盛時冠蓋各耽榮洛下無人復語閔盲腐隨時看秬日草青月白自書星

天道分明尺寸陰何須玉黍訟高深窮簷至暑通南極史敬未
窺作洛心

頻年薄蝕已難詳空說十方差數長誰識璣璿第一事祇憑日
德有低昂

千戚方勤戎馬憂不知石鷁溷春秋八能髦士何嘗盡畏與歆
雄共壁流

芻蕘弋獲各能陳儒墨當年鬪殺人龍鳥何須求鄰國青天寫
影十分真

儻舍既定遂游山八章

至南都便謝絕漫刺一意草屨惟家人未有遽宿爲旁
皇兩日遂有云舍亦不可儻山亦不當游者自念身爲
放民池籠已決世上自有雕題曲室以供快宦青壑丹

崖以娛幽日不幸生在海表萬里中州幸未半途得舍
塵泥以親雲水方使雲將理其雀髀若士分其蚌津何
爲蹉然更課世法限魚鳥慕平賃一旅舍措妻孥既定
便從兩僕攜一鋤兩傘而出風雨視傘生死視鋤決不
煩貴人盼念也

雲松自合與幽人豈有麝麟兩礙身未向伯通廡下老何愁江
水蕩鱸尊

冥鴻野鶴各高徊不受鷗鳥教戒來身是故生元日鳥蘆花苦
竹莫相猜

謝客高懷豈敢李郎狂態我殊慚白雲監史應開目不似時
人浪虎耽

蛇豕豺狼亦有靈未從蘿薜弄晶熒厓柴骨血已如此坐並臆

颺不放腥

清時逐客亦當家，享得殘霞意未奢。山水豈應皆敕斷，全天風

日養烏紗。

天縱猿麋定好交，分明飲水得安巢。江湖不託鴟夷尾，何處家

藏五石匏。

喫得松花冷似飴，是人毛羽欲生時。千官已識官厨味，無數靈

光怨紫芝。

故園猿鶴亦人情，寥廓相逢記舊盟。秋水鮒鼈相對語，一時寄

粲與山精。

茅山詩四章

句曲門至華陽故道可七十里，又七十里至茅山。山不作峻觀，逶迤疊互如良常。宅後山東望，孱顏二頂隱秀。

唯大茅巋然從良常，望之疊折六七峯。宛然地肺矣，中茅峯踰嶺爲積金峯。疑祖龍埋金處，非也。積金峯右行七八里至乾元觀，有宋朱道士碑逾嶺里許，得三洞皆東向，空嵌可觀。古稱辟支洞爲東華左腋，從此出五六里，卽良常洞。夏潦草深，不復可涉。還自乾元前踰數阜，得陶隱居洗心池，其右數百武得小洞，左一石門，五老差立爲雁洞，洞露頂窪底，從石門達之可鑿也。還出爲會心池，乾元諸界自辟支外此最幽勝矣。踰嶺西行循乾元右臂西盡處，與玉晨觀會有顏書李道人碑，內有漢制展真人像，走此山循環三十里，覓陶隱居像不可得。擬從雁洞築一齋居，楊羲許穆及晉諸遠者無繇也。從玉晨南行，歷三茅之麓，皆幽棲坦望，負陰面陽，北亘

江峯西對大來趾距相互在在足樓還至中茅之麓探
蓬壺週玉柱窺華陽洗盥客亭濯足曲池憩華洞舊址
欲更下大茅尋乾陽羅古諸洞值游已倦亦廢然反矣
凡此山隱洞最多憶自玉晨回至白雲寺檜柏翳陰望
一阜奇石參差披榛躡之皆有洞蹟宛然千年以來泉
石之房奪於土木湮耀有時勿謂二茅諸翁耽於烟火
也

竹宮水殿已難攀盛有黃冠護此山雞犬不知香火鬧尋常嗚
吠欲當關
白髮何當杖履雄祇宜養荒嘯孤桐鉤梯不破真山面鑿石隨
方得道宮

中峯嶺北乾元西處處幽人未卜棲喜得一句還一曲老來放

展有安藜

匡廬不作媚人眼句曲還多自媚心珍重白雲來往少莫教帝
子妬高岑

積金峯四章

積金峯無奇者又不當地脉之衝雖有迂人不從此問
王氣矣意銷兵刃真當壑中當非一處華陽龍池卽玉
晨觀前池今峯上小池求水源不得安所得神樓峯下
接白雲所謂一勺泉者亦挹之立竭縱復生龍適可作
脯矣

銷兵帝子信雄才王氣除將仙子來記得茅家神舉日徐郎後
嗣長蓬萊

之梁海上少流連特日丹徒證往年不識安期二晝夜道誰仙

裏得成仙

長年辟穀亦常人小日方瞳那得神贏得高樓閒坐臥解羈放
草自江濱

淮南死後語支離九錫授徒自愛奇不學長生惟學死可憐同
秦舊相知

華陽九洞四章

華陽九洞在三茅上下僅游其六餘良常羅古約以後
年游此恐未能來常聞此興時逢徐霞客來自江陰因
歸理包山之棹

每向洞門一舉眉不及孤兒洗鉢時桃花開落憑風雨撒飯胡
麻乞與誰

波神老去鮫人宮魍魎或依蝙蝠風真向幽門爭燭火鳥窠猶

在煙霞中

不信幽崖窈窕餘寄得羅浮泰代書人世烏魚猶夢夢誤把肉
芝說鬼車

奇人探得石癯肥每約千年長一圍林屋洞門傳已窄休耽句
曲更忘歸

焦山詩四章

揚子下焦山水道稍紆故焦山諸麗爲金山所據取小
舟順流八九里泊其南麓東走百武得焦山寺寺麗不
減金山而幽靜多致好事者爲孝然作坊此處居人絕
稀想非孝然傭春處也循磴上數折稍北得焦山佳處
有楊邃菴碑字倣魯公其碑材亦佳循崖下得兩蒼石
削壁水中其窪可仰者爲瘞鶴銘夏水潮生宛在中底

矣循崖上絕頂高與金山齊樹木滂鬱從江流中望之
如青螺髻雖劈徑撐豎不及金山而磨崖彌望西顧瞻
然亦北固之鼎趾金山之昆弟也

鼉背當潮控馬銜江流東去此重緘若從此處尋真隱又是宦
游一便帆

莫怪方壺不繫槎賃春須亦有人家當年雙岸馮秋水未敢彈
琴對伯牙

持杖渡河河水渾此閒不易得孤騫便將結足深深院回首尙
多未報恩

荒崖今已遍畦鋤燹火未忘處土廬滿望花壇招法侶幸無鐘
鼓禮爰居

攝山詩八章

舟出儀真自龍江洋中望一峯圭削如文者攝山也山
兩翼夾脰伏抱靜深爲南中最勝騎危八九里至絕頂
北望江步西顧京邑繚翼如繪左翼容數茅菴稍可
畦與中峯相映右翼略具洞壑自碧鮮崖上下鑿石可
玩中條垂麓仰視嶺上所在成巒雖徑尺中具百丈意
盡爲樓霞金碧之區此山外樸中饒距京東門三四十
里游人修士所爲貝闕得一橫巒局其山扉雖撈丹雲
擗皓月不爲遠矣

中朝雅麗各臨門不到靜幽理不尊試上攝山山頂望不知金
碧滓乾坤

魚龍水國啓嶙峋採藥居然天上人悟得雪山從此度取金和
血灑泥身

非雲非鶴已回翔
瑤草千千出祇房
人到無名難讚處
祇應聞說古醫王
斷髮初來江水寒
一莖藥草百般看
枯崖處處長生殿
不必長生問宰官
端委何曾遂著名
句吳當日未清平
法王太子無須問
一樣瓔螺有弟兄
兩足能尊自作師
採薇人去又茹芝
無因施得千層樹
布與窮崖各度飢
太乙終南天地懸
西來人已三千年
誰教老子平開眼
說是生人大讓天
江南何處不名山
無限山靈託此閒
試取攝山詩讀過
一齊象教失開顏

從攝山西下六章

平昔游山無著涕
處惟尼山睹聖母
不作母看攝山睹
佛像不作佛見此
兩處涕下汎瀾耳
攝山西下十餘里
過梁武塚凡數處
見石駝峙道張髯
訝然或完或缺不
覺失笑示道德者

野畦麥蘄水汎瀾
七代香灰濕露團
八十老翁心事少
藏舟猶自學曹瞞

笏人立馬久摧頽
祇見橐駝繫往來
欲說太清諸往事
頷胡已倦不須開

鄴臺銅雀老鋤鋤
漢苑仙人收淚餘
共是淒涼何足道
不甘隨象爲護車

紫髯石柳已無存
莫問寄奴舊寢園
唯有銅牌題鹿角
曾經天

監放生恩

四十七年風物斜瑤鏡火藻自皇家遺葩合化多根樹空結草蒲一宿花

太和元魏不從戎宣武暮年復蹈空怪得臺城新破歲高澄先鎖含章宮

齊山二章

齊山同丁介之小眺山以郡名爲郡守易姓是日出池湖微雨介之適自越攜小舟至因泊山下

雨色何曾礙短筇長堤畫舸試從容湖光不怪人寂寞坐摘千峯漫暮鐘

海門不見瀟湘水池上難裁秋浦雲詞客作狂今盡死欲畱佳句與誰論

登岸便爲池山曲磴盤旋不數武得九頂洞自洞北出多奇石中度橫岑爲小九華九石宛然巖具諸相益東爲華蓋洞下望郡邑若俯磯渚還度積岑爲三清巖有東萊晦翁詩皆可觀下憩留亭遂逢大雨與介之別寺中明日乃上九子六章

相公墩下鱖魚肥太子磯前白鷺飛不信蓬瀛能蛻骨現前八角掛衣

翠釜芝盤百步移引人著勝浙支離空山撒米成嶽瀆猶是天公年少時百鳥銜花半上臺乖龍縮頂鎖枯雷不知擲杖盤空者何處談經得復來

玲瓏最是小橫岑九子居然坐擁吟不是南華親寫照安知奇

快狂中心

五里山當十日游一拳石作百金酬僧籬吹笛引人去畏使山窮風雨愁

品崑亦是可人亭少得微晶下灑瓴雨夜維舟圖看瀑出九華青放

